



U N Φ E P F

ζ U θ γ U γ U ζ F

θ .

ՎԿԱՅԱԲԱՆՈՒԹԻՒՆ

ՍՐԲՈՅՆ ՇՈՒՇԱՆԱՍՆ

Դ Ս Յ Ե Ր

Մ Ե Ն Ի Ն Վ Ա Ր Դ Ա Ն Ա Յ



Ի Վ Ե Ն Ե Տ Ի Կ

Ի Տպարանի Մխիթարեանց

Թ Ե Ր = 1853

Ա Ձ Դ

Չհեա Սանդխաոյ՝ յոյժ վայե-
լուչ զՇուշանկանն կարգել վկայա-
բանութիւն . զի երկոքին սոքա ՚ի
հայաստան կանանց զարմէ՝ հռչա-
կափայլ սրանժան յեկեղեցւոջ մե-
րում, երկոքին սխրալիք, երկոքին
սիրելիք ՚ի Քրիստոս . բայց որքան
Արշակունւոյ գասերն վարք եւ
վէպք՝ կուսականաւ և մանկականաւ
իմն փայլեն սարգութեամբ գեղե-
ցիկք և հանգարտք, թէպէտ և ա-
րեամբ իսկ թաթաւեալ անբիծ նո-
րայն ծոց . Մամիկոնուհոյս այնքան
սրտառուչք և խորազգուք, ըստ
կարգի առնակին և մայրենի վիճա-
կին, թէ և ոչ արեամբ կնքեալ սո-

րա եւք , սակայն և ոչ ինչ ընդհատ .
ըստ բարւոյ պատահման կրկին ա-
նուանցն՝ շուշան արդարեւ անա-
բատութեամբ և վարդ խոստովանա-
զական կրիւքն և վերացն ցնցղաձեւ
ցայտմանց : Աին՝ սրտիւ Մամիկո-
նեան և հաւատովք պարթեւ , այս-
քան և դերական հանդիսից ժուժ-
կալեալ և ՚ի նմին անեահանջելի կա-
մեք կատարեալ , վաղու արդեւք վա-
ռեալ էր զսիրտ և զհոգի և զաշ-
խոյժ բանասիրաց օտարաց , եթէ
եկեալ էր նոցա ՚ի ծանօթութիւն ,
ընդ Պոլիոքանայ և ընդ նմանիսն՝ ՚ի
թատերս իսկ սրբազանից ողբեր-
գութեանց յիշատակիլ . իսկ մեք և
՚ի կատարեալ գիտութենէ և յըն-
թերցուածոյ վարուց սորա վրի-
պեալ մնայաք ցարդ , մինչեւ գեռ
՚ի հերուն յաջողեաց մեզ դասնել
զերկոսին եւս զվարքս սրբոյս , զհա-
կիրճն յարեւելից , և զբունն զեր-

կայնն յարեւմտից՝ յերկաթագիր
մասունէ . զոր և փռւթանք ահա
սալ 'ի լոյս , ահն ունելով ընդ
վայելից ընթերցասիրացն՝ և զաճ-
ման փառաց Արքանածին ծաղկին
Շուշանկան . յորս զուարճացեալ
սպարճեսցի համօրէն տուն և տա-
ճար Թորգոմայ , 'ի Հայրն Աարմիր
և 'ի Գուսարն Սպիտակածղի :

ՎԿԱՅՈՒԹՒՒՆ
ՍՐԲՈՅ ՀՈՒՇԱՆԿԱՆ
ՈՐ ԿԱՏԱՐԵՑԱՒ Ի ՎԵՐՍ
ՅԱՌՆԷ ԻՒՐՄԷ ԹԱՆԹՊԱՏՐԷ 1
ՎԵՐԱՅ ԱՌԱՋՆՈՐԴԷ
ՈՐ ԷՐ ԴՈՒՍՏՐ ՍՐԲՈՅՆ ՎԱՐԳԱՆԱՅ
ԵՒ ԹՈՌՆ ՍԱՀԱԿԱՆՈՒՇԱՅ
ԴՍՏԵՐ ՍՐԲՈՅՆ ՍԱՀԱԿԱՅ ՊԱՐԹԵՒ
ՀՅՅՈՅ ՀՅՅՐԱՊԵՏԻ



Եւ եղև 'ի ժամանակս Պարսից
 Թագաւորութեանն՝ բգեաշխ Ասա-
 գեն, որդի Աշուշայ բգեշխի, որ
 'ի գուռն արքունի երթեալ՝ ուրա-
 ցաւ զքրիստոսիւթիւն, և եղևալ
 ընդ պարսկական օրինօքն 'ի կամայ
 և ոչ 'ի հարկէ և 'ի բանութենէ :
 Եւ կին ունէր զգուսար Աարդանայ
 Հայոց սպարապետի Մամիկոնի .
 Թոռն օրոյն Մահակայ Պարթեւի
 և Հայոց հայրապետի՝ 'ի գասերէն
 Մահականուշայ, և անուն նորա
 Աարդենի 'ի ծնողացն կոչեցեալ, և
 Հուշանիկ յորջորջանօք յետոյ ա-
 նուանեալ . բարեպաշտօն և երկիւ-
 զած յԱստուծոյ 'ի մանկութենէ
 իւրմէ : Եւ վասն լկաի և անառակ
 վարուց աննն՝ աղաչէր զհաւատա-
 ցեալն աղօթս աննել առ Աս-
 տուած, զի Թերեւս գայցէ 'ի ըզ-

գասաութիւն . և հոգայր և կասկածէր յորժամ 'ի դուռն արքունի շոգաւ՝ թէ ուրանայ զՔրիստոս :

Զոր և արար իսկ ամսաբիշտն . ուրանալով զճշմարիտն Աստուած , և երկրպագէր կրակի , և ուխտէր ընդ սատանայի , և խնդրէր կին պարսիկ 'ի թագաւորէն : Եւ հաւատայր նմա և տայր զկնոջ իւրոյ մայրն նմա 'ի կնութեան . և յանձն առնէր՝ զկինն առաջին և զորդիան գարձուցանել 'ի մոգութեան օրէնս : Եւ ամսաբշտութեամբ գառնայր յաշխարհ իւր , և յղէր յառաջագոյն յաշխարհ իւր զգալուսա իւր և զգառնալն :

Եւ եկեալ ոմն առաջի Թիկնոջն Շուշանկանն՝ տալ զողջոյն զառնէն իւրմէ . և նա ասէ , թէ Արդարեւ ո՞ղջ իցէ հոգւով . երգմնեցուցանէր զայրն յԱստուած կենդանի : Եւ ասէր արտասուօք . Այրն քո ուրացաւ զճշմարտութիւնն և երկիր եպագ ասրուշանաց 2 , և եղեւ ընդ պարսկական օրինօքն : Եւ Թիկնն յերկիր կործանեցաւ . լայր գառ-

նապէս և եղուկ զայրն զուրացեալ
 յԱստուծոյ ասէր, և աւաղ զոր-
 դիան վարկանէր: Եւ յեա բազում
 ողբոց և հառաչանաց յարուցեալ
 երթայր յեկեղեցին, և զորդիան
 իւր ընդ իւր տանէր, զի էին նորա
 երեք որդիք և դուստր մի. և ան-
 կանէր առաջի սրբոյ սեղանոյն և ա-
 սէր այսպէս. Տէր Աստուած ամե-
 նակալ արարող երկնի և երկրի, և
 որ 'ի նոսա արարածք իցեն. դու
 սահմանեցեր այնպիսի օրէնս ազա-
 տութեան միածնիւդ քո Արդւովդ,
 օրհնութեամբ բանիւդ քո 'ի ձեռն
 ծառայից քոց արբանեկաց, գրոշ-
 մեալս կենսաբեր աւետարանաւն,
 նոր և վերստին ծննդեամբ ջրով և
 հոգւով, որդիս լուսոյ և որդիս
 տունջեան լինել և անուանել. և
 մաքրիլ 'ի գիշերային և յախաւոր
 ծննդենէ՝ որ ըստ մարմնոյ յառն և
 'ի կնոջէ յառաջ դան, և այցելու-
 թիւն գտանել 'ի լուսաւոր ծննդե-
 նէն որ 'ի Քրիստոս Յիսուս, և լի-
 նել մի հօտ միոյ հովուի Ճշմարտի
 Յիսուսի Քրիստոսի: Եւ արդ էս

խմ ինչ ոչ համարիմ զսոսա՝ ըզ-
 ծնեալսս յառնե՛ս ամապարշտե՛ ըսս
 մարմնոց, մահկանացուս ՚ի մահկա-
 նացուե՛ս . և ոչ ասել ինձ . Տէր,
 եթէ արժանիս համարիս զսոսա
 մնալ ՚ի Ճշմարիտ և ՚ի վերստին ծը-
 նընդեանդ՝ ՚ի հայր և յԱրդի և ՚ի հո-
 գին սուրբ, և սնեալ յարգարու-
 թիւն ՚ի վերայ բաղկաց իմոց առա-
 ջի քոյոյ տէրութեանդ . սա՛հեա
 զսոսա Ճշմարտութեամբ ՚ի հաւատս
 ուղիղս և ՚ի դործս բարիս, ըզ-
 դաստութեամբ և արգարութեամբ
 և աստուածսպաշտութեամբ կեալ
 յերկրի, և ոչ սաշտել զարարածս,
 այլ զարարիչդ, որ ես օրհնեալ
 յաբխեանս . ամէն : Զ ՚ի գիմնալ
 գայ ուրացեալն և լի ամապարշտու-
 թեամբ որսալ զիս և զճնունդս խմ
 ՚ի վիհս կորստեան : Եւ արգ տէր
 Յիսուս Քրիստոս քեզ յանձն առ-
 նեմ զիս և զորդիս խմ, որ տէրդ ես
 և Աստուած . և սպարաստ եմ ես
 շարչարել և մեռանել վասն անուանդ
 քո սրբոյ, և ոչ հաւատարել կամաց
 ուրացողին և սկիզբ անկողնակցին :

Զի գու ես Աստուած ճշմարիտ և քեզ վայել է երկրպագութիւն և փառք յաւիտեանս . ամէն :

Եւ բազում պազատանս ամենա-տեառնն մատուցանէր արասուօք երանելին յայգուէ մինչեւ ցերեկոյ յեկեղեցւոջն : Եւ կատարեցին ըզպաշաօն երեկորին՝ ուխտ եկեղեցւոյն . և ամենեքին սգակիցք լինէին , և ակն ածէին խօսել բան վասն այնորիկ : Եւ նա յարուցեալ մասնէր ՚ի անիկ մի փոքրիկ , որ մերձ էր յեկեղեցին . և կայր յազօթս առ Աստուած լալով և ողբալով զգիշերն ամենայն անհանգիստ , ամենեւին ոչ ինչ ճաշակեալ ՚ի դառնութենէ անձին իւրոյ , և ոչ իշխեր համարձակ խօսել բան ՚ի մերձաւորացն :

Եւ եպիսկոպոսն ոչ պատահէր ՚ի ժամուն յայնմիկ ՚ի տանն բզեշխին . բայց երէց գրան արկնոջն համարձակեալ սփոփել զարկինն վասն անհնարին վասնօրցն , ասէր ցերանելին . Յիշեա զԱստուած , և նովին յուսովն զքեզ միսիթարեա , որ

ապ երկայնմտութիւն տարակուսե-
լոց, և կեանս այնոցիկ որ մաշեալ
են սրտիւք: Անձամբ զանձնդ սփո-
փեա 'ի Քրիստոս, և մարտիր զբա-
րիոք մարան՝ որով կեաս և հանդի-
սանաս, և մխիթարութեամբ զան-
ցաւորս թողուլ, և յուսովն մերձե-
նալ առ Աստուած, որ կարողն է
յամենայնի, թէպէտ և ոչ զոք ու-
նիս համաշունչ եթէ ընտաներար
հոգայցէ վասն քո: Եւ այլովք բա-
նիւք բազմօք քաջալերէր և մխիթա-
րէր զնա:

Եւ մերձաւորացն ընդ նա հա-
մարձակեալ՝ առնուլ կերակուր, և
ունկնդիր եղեալ սակաւ ինչ ճաշա-
կեալ կերակուր և ըմպելի, և յա-
րուցեալ գոհանայր զտեառնէ, և
զգիշերն ամենայն յաղօթս և 'ի
սաղմոսերգութիւնս և յընթերցումն
գրոց անցուցանէին: Եւ փոքր ինչ
մրրկեալ սիրան և տարակուսեալ և
խառվեալ՝ կազգուրէր յուսովն Աս-
տուծոյ: Եւ 'ի կատարել զառա-
ւօտին սրաշտօնն տային օրհնութիւն
Աստուծոյ:

Եւ մատուցեալ քահանայն դը-
րանն ասէ ցտիկինն . Ձի՛նչ եգիբ 'ի
մօխի և զի՛նչ ունիս առնել, որ յա-
րուցեալ 'ի վերայ քո սրտերազմ
յուրացողէն, յազագս միաւորու-
թեանն իւրոյ վասն դստերն որ ըստ
Պարսկաց օրինին հանգերձեալ էր
առնուլ իւր 'ի կնութիւն . և յա-
զագս որդւոցն դարձուցանելոյ
յԱստուծոյ ճշմարտէ, և առնել որ
դիս խաւարի որպէս զինքն . և յա-
զագս ամենայն շարեացն զոր հան-
գերձեալ էր ցուցանել ըստ խրա-
տու մոգուցն և ազգման շարին . ա-
տել զարդարութիւն և սիրել զա-
նօրէնութիւն և զամպարշտութիւն .
զի յամենայնի կատարեցէ զմեզս :
Ես սրտասխանի կինն և ասէ . Այ-
սոքիկ վասնդեն 3 զիմ անձս, ուս-
տերաց և դստերաց իմոց տարա-
կուսանք և հոգք . զի գիտեմ զառնն
զամպարշտութիւնն, և վասն այնո-
րիկ յերկարեմ զսուգն, և ցտիմ
արտասուօք . և ո՛վ տայր գլխոյ իմոյ
ջուր և աչաց իմոց աղբեւրս արտա-
սուաց, և յանսպատի օթեվանս,

որ լայի յաղագս վերաց և անբժշկե-
 լոյ առն ինոյ ամպարշափ և ուրացո-
 զի զԱստուած ճշմարիտ . և վասն
 ծննդոց ինոց տարակուսանաց , այլ
 յայլմէ երեւմանց լեալ , յաստուած-
 գիտութենէ յանաստուածգիտու-
 թիւն , 'ի լուսոյ 'ի խաւար փոխա-
 գրեալ : Ա՛վ ոչ ողբացի զայսքան
 կորստեան համբաւս որ լսի . ո՛ր
 լսելիք բերեն զուր կորստեան , որ
 ոչ ունի մասն միսիթարութեան .
 ո՛ր տեսանելիք տարցին զտեսու-
 թիւն առն ամպարշափ և ուրացոզի
 զԱստուած . ո՛ր բան ունիցի զայս-
 քան աղեափոց սրտամեղ զթշուառու-
 թիւնս և զխանդս . ո՛ր համբաւ մա-
 հու , որ այսպէս զհոգի և զմարմին
 կորուսանէ 'ի գեհենի . ո՛ր մեռեալ
 որ ոչ թողու մասն միսիթարու-
 թեան մերձաւորաց իւրոց յերկրի :
 Արմ՛վք այսոքիւք մերժեցից զսուգ և
 սակաւ մի միսիթարեացի անձն իմ .
 ո՛րքան է վասնդս , այլ 'ի վերայ այ-
 լոց զառաւելութիւն հեծութեան
 իմանալ . ո՛վ հանձարեղ և իմաս-
 տուն , և իմացի զուծումն գտա-

նել պատահեցելոյս . ով մարդիկ
 սասցէք : Ընդէր , Տէր , կացեր 'ի
 հեռասանէ և անտես արարեր զա-
 զախին քս 'ի գէպ նեղութեանս և
 տարակուսանացս և վտանգաւոր
 ժամանակիս . զի ոչ այլ ուստեք է
 մխիթարութիւն բայց ՂԱտուծոյ :
 Ոչ վերակացուք , ոչ մերձաւորք ,
 ոչ սիրելիք , ոչ ծառայք , ոչ ազախ
 նեայք , ոչ օտարք , ոչ սպանգութարք ,
 ոչ հեռաւորք , ոչ մօտաւորք , և ոչ
 ոք յերկրաւորացս : Աօրեան հա-
 ւաս . հատաւ սպառեցաւ ամենայն
 յոյս յերկրէ և 'ի մարդկանէ . բայց
 ակն կալաց ՂԱտուծոյ ամենակալի
 որ փրկէ զիս . և տայցէ ինձ թեւս
 որպէս ազաւնոյ , զի թառցեալ
 թեւօք Հոգւոյն սրբոյ շնորհօք՝ հա-
 սանել և դադարել յանասպափ , և
 ընդունել զօրութիւն 'ի վերին ինա-
 մոցն , և սթափել փոքր ինչ 'ի մըրը-
 կեալ սրանեղութենէս և 'ի վհա-
 տութենէս : Եւ որպէս ինքն գիտէ
 իւրով խնաստութեամբն և մարդա-
 սիրութեամբն , և ես պատրաստ
 եմ տալ զանձնս բանգից և կապա-

նաց և ամենայն կատանաց , որով
 նեղէ զես ուրացողն - զի Աստուծով
 կեցից և մեռայց վասն անուան նո-
 րա , և ոչ թողից զաւանգութիւն
 հարցն իմոց Առաւորչացն Հայոց .
 և ոչ գրգռեցայց յընդդիմակցաց
 իմոց , որք զինին ընդդէմ անձին ի-
 մոյ , և ճշմարտութեան աւանդից
 որ 'ի Հայր և յԱրդի և սուրբ Հո-
 գին , խոստովանութիւն և երկրպա-
 գութիւն և փառարանութիւն . ան-
 շարժ և անդրդուելի և հաստատուն
 կացից զօրութեամբ և շնորհե-
 տեանն . և ընդ ուրացողին ոչ միա-
 ւորեցայց և պղծեցայց : Եւ վարուց
 սրբութեան և արդարութեան պատ-
 կառ և հպատակ համբերութեամբ
 բազմաւ 'ի փառս և 'ի գովեստ
 տեանն մերոյ և փրկչին Յիսուսի
 Քրիստոսի , որ զամենայն մարդիկ
 կամի զի կեցցեն և 'ի գիտութիւն
 ճշմարտութեան եկեացեն :

Եւ այլովք բանիւք բազմօք աւա-
 ղէր ողորմ ողորմ զճնուանդս որո-
 վայնի իւրոյ , և զվայրենութիւն
 առնն ամսարշափ , որ գիմեալ գայր

յարուցանել պատերազմ ընդդէմ
 Ճշմարտութեան, և դնել որոգայթս
 և որսալ ՚ի կորստեան միջն մեղաց
 ուրացութեամբ և սղծութեամբ՝
 զուստերս և զգաստերս ըստ սփարս-
 կահան օրինացն : Եւ զինքն յու-
 սոյն Աստուծոյ մխիթարէր, զմտաւ-
 ածէր որ ՚ի սաղմոսերգութեանն
 պատմի . Աչ կամէր մխիթարել անձն
 իմ, յիշեցի զԱստուած և ուրախ
 եղէ : Եւ այսպէս քաջալերեալ
 զինքն և աւժամայն զարամութիւնն
 յուրախութիւն փոխարկեաց . յԱս-
 տուած ապաստան առնէր զամե-
 նայն :

Յայնժամ դայր բզեաշխն ուրա-
 ցեալ յաշխարհն Արաց ՚ի տուն
 իւր . և կոչեաց զեպիսկոպոսն իւր
 և զքահանայն, խօսէր ընդ նա-
 սա սղոքանօք և սարգեւս խոստա-
 նայր, և առաւել քան զառաջինն
 ունել ՚ի բարիօղ . Մի խորշիք, և մի
 խղճէք յիմ տէրութենէս, ասէր :
 Եւ յղէր սատգամս առ տիկինն,
 գառնալ յիւրոց կամացն և հաւա-
 նել կամաց նորա, և վայելել ՚ի

փառս աշխարհիս առաւել քան
 զառաջինն : Եւ նորա եկեալ և եզ-
 բայր բզեչխին ընդ նոսա , որում
 անուն էր Զօջիկ . և յարտասուս
 եղեալ ամենեքեան ակն ածէին ա-
 սել զսպասգամս ուրացողին . և յեա
 բազում ողբոց և հառաչանաց , ուր
 ուրեմն սկսաւ ասել եպիսկոպոսն և
 Զօջիկն զասացեալսն 'ի բզեչխին :

Եւ նա ասէ ցեպիսկոպոսն խըս-
 տագոյն բանիւք . Եւ գո՛ւ զայդ
 հրամայես միաբանել ընդ ասն ամ-
 բարշտի և ուրացողի զԱստուած . և
 այսպիսեացս լինիս Թելագիր և մը-
 տախաբ . աւա՛ղ խնոյ Թշուառու-
 Թեանս , որ յորգորիչ ինձ ոչ
 գտաւ : Ծանիք զնենգութիւն ամ-
 պարշտին որ ձեւք խարդախէ զիս 'ի
 կորստեան վեհն . մի ընդունիք զնո-
 բայսն որ որսայ խարէութեամբ .
 բայց ես ոչ խաբիմ խնասու-
 Թեամբն առաջնորդեալ ինձ յար-
 գարութիւն : Նաւր առաքելական
 խրատուն՝ որ զմարգարէական բանսն
 յիշեցուցանէ . Ելէք 'ի միջոյ նոցա
 և մեկնեցարուք ասէ տէր , և 'ի

պիղծս մի մերձենայք - զի որ մերձե-
 նայ 'ի սրտնիկն մի մարմին է . և որ
 մերձենայ 'ի տէր՝ մի հոգի է . և ուր
 հոգի տեսան է՝ անդ ազատութիւն
 է մեզաց : Իսկ որովհետեւ զայս ա-
 զատութիւն ունիմք , վերահացուք
 իմ և սիրելիք , ո՞ որոշեսցէ զիս 'ի
 նմանէ՝ որ փրկեւոցն է զիս 'ի հրոյն
 յաւիտենից , և 'ի հաղորդութենէ
 ուրացողին : Եւ ինձ լիցի ամենայն
 սրբութեամբ և արգարութեամբ
 պաշտել զԱստուած կենդանի , և
 զամենայն վտանգս ընդունել և ըզ-
 չարչարանս զոր ամեւոց է 'ի վերայ
 իմ ուրացեալն յԱստուծոյ :

Ասէ եպիսկոպոսն . Ճշմարիտ են
 ասացեալքդ 'ի քէն . բայց զայս
 զմտաւ ամեւ , եթէ առաւել 'ի
 բարկութիւն և 'ի նախանձ յուզի ,
 և յարուցանէ շար 'ի վերայ շարի
 վերահացուաց և ժողովրդոց . բայց
 յարուցեալ եկեսցես , թերեւս
 փոքր մի շիջանի բարկութիւն անօ-
 բինին : Նոյնպէս և եղբայր բզեշ-
 խին աղաչէր . և ամենեցուն սափ-
 պեալ և յոյժ թախանձեալ զերա-

Նեղին, հաւանէր կամաց նոցա, և
ասէր. Արարից զկամս ձեր. և ես
գիտեմ զի շարշարանս ամենայն է ՚ի
վերայ իմ: Եւ գուք գնասջիք յիւ-
րաքանջիւր տեղիս և զիս միայն
թողուցուք. և չեմ միայն, զի տէր
իմ ընդ իս է յոր յուսացեալն եմ.
զի տէր է իմ օգնական և ոչ եր-
կեայց. զի՛նչ արասցէ ինձ չարն:

Եւ յարուցեալ երթայր զհնա
նոցա. և մտեալ յաստարանսն՝ ոչ
հաւանէր երթալ ՚ի սենեակ իւր.
այլ ՚ի անկան միում արդելոյր
զինքն, և կայր յաղօթս առ տէր
Աստուած և ասէր. Տէր Աստուած
իմ, ես ՚ի քեզ յուսացեալ եմ.
օգորմեա ինձ օգորմեա, սր օգնա-
կանդ ես անօգնականաց և տարա-
կուսելոց վաստահութիւն. անյուսից
յոյս և սգաւորաց միեթարութիւն,
խաօվելոց բերկրանք, նեղելոց սփո-
փանք. զրկելոց իրաւունք, և իրաւ-
արար. հիւանդաց առողջութիւն
և արամելոց ուրախութիւն. հալա-
ծելոց տեղի, բեկելոց ողջացուցիչ,
վասնդելոց անգորրութիւն, հալա-

Տեւոյ աղքատաց մեծութիւն . տա-
 ապելոյ տուրք , աշխատելոյ հան-
 գիտ , շարշարելոյ զօրացուցիչ ,
 կապելոյ արձակիչ , սրբոյ հայր ,
 անաղղաց աղղ , 'ի քեզ ապաւինե-
 լոց և յուսացելոց : Տուր ինձ զօրու-
 թիւն և ժուժկալութիւն , պնդու-
 թիւն՝ 'ի բարեհանալ սրամտութեան
 սրացողին 'ի վերայ իմ յաղգմանե-
 շարին , և պահեցից զիս սրբու-
 թեամբ և անարատութեամբ , և
 ճշմարիտ հաւատով , որ 'ի հայր և
 յԱրդի և 'ի սուրբ Հոգին , զի գու-
 ինքնին գիտես աէր իմ , զի 'ի ման-
 կութենեկ իմմե զմեզս ատեցի և ա-
 նարգեցի , և զօրէնս քո սիրեցի :
 Յիշեա զԾառայսն քո զհարսն իմ ,
 որոց ես եմ զարմ , որք սիրեցին
 զքեզ ճշմարիտդ Աստուած , և նո-
 ցա բարեխօսութեամբ օգնեա ինձ
 'ի պատերազմիս որ առաջի կայ . և
 ոչ որ է իմ օգնական , ոչ հայր և ոչ
 եղբայր , և ոչ այլ որ 'ի մերձառ-
 բաց , որ ընտանեբար հոգացե-
 վանն իմ : Այլ գու աէր Աստուած
 իմ , հայր և ուղղիչ , մի թողուր զա-

զախին քո 'ի խնամոց քոց և յողոր-
 մութենէ . և առբ ինձ զօրութիւն
 կատարել զընթացս իմ 'նեղու-
 թեամբ նմանել հարցն իմոց . և նա-
 ցա մասին և հանգստեանն ժառան-
 գորդ եղէց : Եւ արդ 'ի քեզ եմ
 յուսացեալ , որ զաւրբն հսկիսի-
 մէ փրկեցեր 'ի բարկութենէ թա-
 դաւորին և զնա յանձն արարեր , և
 զնա զանարժան ազախին քո փրկեա
 'ի բարկութենէ ուրացողին , զի քո
 է յաղթութիւն և յաղթեցից : Եւ
 քեզ փառք այժմ և յաւիտեանս .
 ամէն :

Եւ կատարեալ զաղօթան մնայր
 անդէն 'ի անկանն զերիս աւուրս
 անկերակուր և անըմպելի . և հո-
 գեւոր կերակրովն աւրցեալ լինէր ,
 անգագար սաղմոսերգութեամբ և
 աղօթիւք 'ի առէ և 'ի գիշերի : Եւ
 յերրորդում աւուրն իբրև յըն-
 թրիս մահն , առաքեաց զեզբայրն
 իւր զՉոջիկն կոչել յընթրիս զախ-
 կինն . և նա ոչ հաւանէր , և յեա
 բազում ազաչանաց և ողորական
 բանից՝ երթայր լալով և արամու-

Թեամբ : Եւ ունէր աւեաարան մի
 փոքրիկ , որ նախնոյն իւրոյ էր
 սրբոյն Սահակայ , ընդ իւր ու-
 նէր , և նովաւ 'ի ծածուկ զԱս-
 տուած աղաչէր . և ոչ եկեր և ոչ
 արբ 'ի գիւական ընթրեացն այնու-
 ցիկ , այլ լուս եղեալ արաստուօք
 'ի յիշատակս խոստացելոց բարեացն
 Աստուծոյ , և հոգեւոր վայելմանցն
 որ 'ի Քրիստոս Յիսուս : Եւ յա-
 բուցեալ գնայր 'ի տեղի իւր :

Եւ բղեաշին սրամտեալ յուզէր և
 բարկութեամբ . և իբրեւ անցին
 յիւրաքանչիւր տեղիս , առաքեաց
 դարձեալ կոչեաց զնա առ ինքն .
 իսկ նա ոչ կամեցաւ գնալ : Յարու-
 ցեալ ինքն երթայր գաղանացեալ
 և քարչէր զնա ծառայիւքն 'ի տե-
 ղին . և նա աղաղակէր և ւսէր .
 Տէր Յիսուս օգնեա ինձ : Եւ հար-
 կանէր զնա բրօք սասափկ յոյժ , և
 ոչ ոք կարէր շիջուցանել զբարկու-
 թիւնն : Յայնժամ ազգ առնէին
 եղբորն . և եկեալ ոչ կարէր ցա-
 ծուցանել զբարկութիւնն . այլ և
 զնա արհամարհանօք հալածէր 'ի

բաց . և անաչառ և անողորմ զհա-
 բուածան սաստիացուցանէր , մին-
 չեւ ոչ մնաց 'ի նմա տեղի ողջ 'ի
 բրածեծն առնելոյ : Աւ նա կայր
 իբրեւ զմեռեալ . և բղեաշինն առա-
 շել զայրացեալ նախասէր զԱս-
 տուած և զհարս նորա . և յեա բա-
 զում հարուածոցն իբրեւ պակա-
 սեցաւ լքաւ , ետ հրաման անդէն
 քարչել զերանելին 'ի տեղի իւր , և
 համարեցաւ զնա մեռեալ : Աւ ընդ
 առաւօտն յարուցեալ երթայր 'ի
 տեսանել զերանելին . իբրեւ ետես
 եթէ կենդանի է , պահասպանս
 կարգեաց մի թողուլ զոք մասնել
 առ նա յարանց կամ 'ի կանանց ,
 զի նովին չարչարանօք մեռցի : Աւ
 կերակուր գարի հաց և ջուր հրա-
 մայէր : Աւ երանելին ոչինչ զան-
 դիանալ , այլ գոհանայր զԱստու-
 ծոյ , որ վասն անուան նորա արժա-
 նի եղեւ չարչարանս ընդունել , և
 'ի հաղորդութենէ ուրացողին փրկ-
 կեցաւ , որպէս և ինքն ցանկայր , և
 յուսայր այսոցիկ եղելոցս որ 'ի
 փառս Աստուծոյ կատարեցաւ : Աւ
 ինքն գնայր 'ի գործ աշխարհին :

Եւ ապա դայր դրան քահանայն
 և աղաչէր զպահապանան, զի տեսա
 նիցէ զերանելին . և նա ոչ կարէր
 կանգնել 'ի սաստիկ յայտմանէն
 յամենայն մարմնոյն և յարենէն որ
 մածեալն էր զնովաւ . և ըսյր դառ
 նապէս քահանայն : Եւ ասէր երա
 նելի տիկինն . Մի ըսր 'ի վերայ իմ,
 զի առանց հանգիսի և չարչարա
 նաց ոչ արգարանայ առաջի Աստու
 ծոյ ամենայն մարդ . և ոչ շնորհք
 Փրկչին լքանէ թողու զոք առանց
 ողորմութեան, որք յուսան 'ի նա .
 և այսու չարչարանօքս սրբեցայ 'ի
 պիղծ անկողնոց առն ամպարշափ .
 և ես ուրախ եմ ընդ չարչարանս՝
 որ եհաս ինձ . զի այսու չարչարա
 նօքս հանգիսեցայց բարի ժառան
 գութեան հարցն իմոց որ 'ի Քրիս
 տոս Յիսուս . և գոհութիւն վասն
 այդր ամենայնի հատուցի և հատու
 ցից նմա հանապաղ : Եւ աղաչէր զե
 րանելին առնուլ կերակուր . և նա
 թէպէտ և կամէր, այլ ոչ կարէր 'ի
 սաստիկ հարուածոցն . և սակաւ
 ինչ ճաշակեալ և կայր յաղօթս ան

դադար զսիւս և զգիշեր, ուր արդե-
լեալն էին զնա, և ճաշակէր սակա-
մի 'ի դարի հացէն և 'ի ջրոյն :

Ընդ Ժամանակսն ընդ աշնոսիկ
հասանէր երկիւղ ուստեք, և զոր
դիս նորս տանէր յամուրս ուրեք
անցուցանել ընդ Վուր գետ, և 'ի
մանկանցն դաւ լինէր 5 և մեծ սուգ
բղէշխին լինէր և աշխարհին : Աւ
երանելի փիկինն գոհանայր զԱս-
տուծոյ ասելով. Թեպէս ըստ մար-
մնոյ մեռաւ, այլ ըստ հոգւոյ ա-
պրեցաւ յարդայթից հօր իւրոյ ու-
րացողի, և Քրիստոսի փառք յանն
նայնի : Աւ մարդպանն և նախա-
րարն Արաց գային առ բղէշխն
մխիթարել զնա վասն մանկանն և
լուծանել զուզն, և նա յղէր առ
փիկինն, զի յարուցեալ երթիցէ 'ի
զնգանէն յապարանսն եպիսկոպո-
սին՝ որ մտաւ էր յեկեղեցին, և 'ի
տան միում կայցէ պահապանօքն
հանդերձ, մինչեւ մարդպանն և նա-
խարարքն գնացեն յիւրաքանչիւր
տեղիս : Աւ նա խնդութեամբ կա-
տարէր զհրամանն : Աւ նորս եր-

Թեալ զանձն հրճեաւորական ըզ-
 գեափա կարգաւորութեամբ հան-
 դիսանայր 6 , առաւել քան զառա-
 ւել յօժարութեամբ պահօք և ա-
 զօթիւք , սքնութեամբ և արաս-
 սուօք , և ամենայն լուսաւոր կարգօք
 հանդիսանայր , մինչեւ զարմանալ
 ամենեցունց ընդ հանդէս նահա-
 տակութեան երանելի կնօջն : Զի
 այնպէս էր ջանկորդեալ աստուած-
 սիրութեամբն , որ ոչ ինչ մեղկեր
 զնա 'ի ճգնութենէն . վասն զի ա-
 մենայն բարի գործ ովք յարդարեալ
 էր անձն երանելոյն . սուրբ , մա-
 քուր , անարատ , մեղատեաց , ար-
 գար , ճշմարիտ , ուղիղ , սրբասէր ,
 խանարհ , հեղ , հլու , հպատակ ,
 ջամ , հանդարտ , սղորմած , աղ-
 քատասէր , հիւրասէր , պահող ,
 մաղթող , տենչող , արաստուասէր ,
 աշխատասէր , գործասէր , արդիւ-
 նաւոր , ընթերցասէր , լսող , ան-
 սխակաղ , աննախանձ , անամբարատ-
 ւան , անբարկանալի , անընչասէր ,
 անփառասէր , այլ աստուածասէր ,
 հանճարեղ , իմաստուն , խորհրդա-

կան , իրաւարար , աստուածա-
պաշտ , մեկնեալ յամենայն իրաց
չարաց . արժանի ըստ երկնային
կոչմանն խորհել , և արժանապէս
ըստ աւետարանին Քրիստոսի վա-
րեալ զկեանս իւր :

Եւ եղև 'ի դառնալ մեծամե-
ծացն յիւրաքանչիւր տեղիս , յղեր
բզեաչխն առ երանելի տիկիմնն ողո-
քական բանիւք , դառնալ յայնպի-
սի կամաց և հաւանել կամաց նո-
րա . և խոստանայր պարգեւս և ա-
ռաւել մեծութիւն և պատիւ քան
զառաջինն : Իսկ նա ոչ առնոյր
յանձն բնակել այլ՝ ընդ ուրացողին
զԱստուած : Եւ զզարգան և զպա-
տուական հանգերձս իւր ետ տա-
նել առ բզեաչխն , և պատասխանի
տաներ . Չի՛նչ բարժին կայ հաւա-
տացելոյն ընդ անհաւատին . և զի՛նչ
հաղորդութիւն լուսոյ ընդ խաւա-
րի . և զի՛նչ միաբանութիւն տաճա-
րի Աստուծոյ և պոռնկի . որ 'ի
ձեռն չարչարանաց սրբեցայ՝ զոր
ածեր 'ի վերայ իմ 'ի քո բարկու-
թենէն , և յառաջին միաւորու-

Թեանցն : Ես Քրիստոսի ընծայե-
ցայ . ոչ փառք , ոչ մեծութիւնք ,
ոչ պատիւք , ոչ 'ի մարդկայնոցս
իրք , փափկութիւնք և հեշտու-
թիւնք . ես շարշարանօք փոխեցայց
յաշխարհէ և մեծի Թագաւորին
մերձ կացից , և անտի լուսոմն լցայց .
զոր փոքր ինչ զհասունն ասակն
ընդունիմ , շնորհօք և մարդասիրու-
թեամբ տեաան մերոյ և փրկչին Յի-
սուսի Քրիստոսի : Այսպէս կացից
մնացից հանդերձ զգուշութեամբ 'ի
խորհուրդս արդարութեան , և ոչ
նստայց յաթոս ժանաից : Չոր ինչ
աանելոց ես՝ արա . ես պատրաստ
եմ մեռանել , քան թէ անցանել
զաւանդութեամբ հարցն իմոց :

Եւ տարեալ զկարասին և ըզ-
զարդան , և պատմեցին նմա զոր ինչ
ասաց երանելին : Եւ ամպարիշան
առաւել 'ի բարկութիւն ձգէր , և
սպառնայր շարշարանս անցուցա-
նել ընդ երանելի աղախինն Քրիս-
տոսի . և առ ցամանն ոչ ներէր .
այլ յարուցեալ ինքնին երթայր ,
և զբազումս 'ի ծառայիցն ընդ իւր

առեալ՝ դասներ զնա յեկեղե-
 ցւոջն, և ոչ ներէր - այլ մտեալ
 հարկանէր զնա բոք սաստիկ, և
 բռնն հարկանէր զհերացն և քար-
 շէր յեկեղեցւոյն 'ի դուրս: Եւ ոչ
 որ իշնէր բռնն հարկանել և թա-
 փել 'ի գայլոյն զորոջն Քրիստոսի:
 Բայց մի ոմն 'ի քահանայիցն. Չի
 այդպէս անողորմ շարձարեա, ա-
 սէր: Եւ նա 'ի վերայ նորա զցա-
 սումն հեղոյր, և հարկանէր սաստիկ
 յոյժ զնա. և ամենայն ժողովուրդ-
 քն զձիչ բարձեալ լային առ հա-
 սարակ արք և կանայք. և նա զի-
 մէր յամենեւեան 'ի հարուածս,
 որպէս գազան շար և անընդել: Եւ
 զերանելին քարշէր ընդ երկիրն,
 ընդ փուշ և ընդ խոշ և ընդ քար. և
 ապա յասարանան հրամայէր առ-
 նել. և սրատառ սրատառ լինէր ամենայն
 մարմին նորա. զի էր զըժ-
 նիկ երկիրն, և արիւնն 'ի նմանէ և
 զերկիրն արեամբ ցուցանէր անսո-
 դացն 7:

Եւ հասեալ յասարանան՝ դար-
 ձեալ 'ի հարուածսն յաճախէր և

առաւել քան զառաջինն . և երա-
 նելի ազատինն Քրիստոսի ոչ ինչ
 բարբառէր , այլ եւ զինքն Աստու-
 ծոյ և Ժուժկալութեան . և կայր
 մեծաւ ուժով , և ոչ ինչ գրեաց
 զքարշէլն և ոչ զբրածեծ զանիցն .
 զի հանդերձիկն որ զանձամբն և ըզ
 գլխովն՝ ՚ի քարշանացն ՚ի բաց զեր-
 ծոյր ՚ի նմանէ . և մերկ գլխովն և
 պատառատուն զգեստովն պատրս-
 պարէր զանձնն , և գոհանայր ըզ-
 տեառնէ վասն անցիցն անցելոց :
 Աւ ամպարիշան ոչ ամաչէր և ոչ
 ողորմէր . այլ յազգմանէ շարին
 յարուցեալ իբրեւ զհեղեղաւ սաս-
 աիկ ողորմել գերփել կարծէր զու-
 սուտր վարս և զարբութիւն երա-
 նելւոյն , և տակր . Օգնեսցէ քեզ
 Քրիստոս և ազօթք հարցն քո . յոր
 յուսացեալ եւ : Աւ տայր կապել
 զոտս և զձեռս երանելւոյն երկաթի
 կապանօք և արկանել ՚ի բանդ , և
 արկանել շղթայս ՚ի պարանոցն , և
 վարել հրամայէր երկաթի շից ընդ
 որմն , և զշղթայսն ընդ այն կապել ,
 և կնքէր զկապանսն և զշղթայսն :

Եւ պահապանս կարգէր մեծաւ ա-
 հիւ և զգուշութեամբ պահել, և
 մի զոք ամենեւին թողուլ, և կերա-
 կուր նորա գարի հաց և ջուր հրա-
 մայէր : Եւ ասէր . Արդ ուրախ ըն-
 որում հանդիպեցար շարձարա-
 նացդ և դառն կտապանացդ, որով
 կատեմ զքեզ մինչ 'ի մահ : Եւ
 պատասխանի տիկինն և ասէ . Ու-
 րախ եմ ընդ այն շարձարանս զոր
 ածեր 'ի վերայ իմ . զի արժանաւո-
 րեցայց Ժառանգութեան սուրբ
 հարցն իմոց, զոր նախատես զնոսա
 և զԱստուած, օտարացեալք յԱ-
 սուածոյ և թշնամի արդարութեան .
 զի որքան յաւելուս զտանջանս ինձ
 առաւելուս ինձ զուրախութիւն որ
 ոչ անցանէ . զի առժամեան նեղու-
 թիւնքս զմեծութիւն առաւելու-
 թեան փառացն պատրաստէ ինձ,
 որ ոչն սասանի յաւիտեան, և դու
 ընկալցիս վրէժս յարդար գառա-
 տանացն Ասուածոյ յաւուրն այցե-
 լութեան :

Եւ ամպարիշան ոչ ինչ պատաս-
 խանի առնէր, այլ զարմանայր ընդ

ժուժկալուծիւն և ընդ համբերու-
 թիւն երանելի տիկնոջն . և թա-
 ղեալ նովին կապանօքն զնայր յաշ-
 խարհն : Եւ յեա երից աւուրց
 դայր դրան քահանայն , և տայր
 ինչս սահապանացն , և մտանէր առ
 երանելի տիկինն , և տեսանէր զնա
 կապանօքն լի ուրախութեամբ և
 զուարթութեամբ յանգագար սաղ-
 մութերգութեան , և համբուրէր ըզ-
 կապանս երանելւոյն , և երանէր
 զնա , որ զայնպիսի համբերութիւն
 վանն Աստուծոյ կրեաց Յ . և ասէր .
 Երանելի ես դու 'ի կանայս . ար-
 դարեւ բարի արմատոյ բարի շառա-
 ւեղ ցուցար . յայսմ հեռէ երանի
 ցեն քեզ հաւատացեալք արդարա-
 պէս բանիւ . զի յուսով Աստուծոյ
 վանեցեր զամպարիշան , և զանուն
 և զոգի ժառանգեցեր ըստ նմանու-
 թեան սրբոյն Հախիսիմեայ , ընդ
 նովին և սրակիս յամենեցունց
 տեսանէն : Ասէ երանելի տիկինն .
 Ես ոչ եմ արժանի երանութեանց
 և ոչ սրակաց և ուրախութեանց
 սրբոյն , որ ոչ մերձեցան 'ի յայր

ամապարիշտ . իսկ ես բնակեալ ընդ
 առն ամապարշափ և ծնայ որդիս յա-
 պակհանութիւն և ՚ի կորուստ ՚ի
 ձեռն ամապարշափ . թէպէտ ՚ի շնոր-
 հաց աւազանին ծնան վերասին , և
 ես արդարութեամբ սնուցի և յու-
 սացայ՝ Աստուծոյ մերձաւորս առ-
 նել խրատու և իմաստութեամբ
 տեառն . բայց ոչ են արժանի՝ սերմն
 ժանգի՝ բոյս բարի լինել : Բայց մի
 ինչ է , որ ՚ի ձեռն շարչարանաց և
 երկաթի կապանաց սրբեցայ ՚ի մեր-
 ձաւորութենէ ուրացողին . և այս
 յայտ եղև ամենեցուն , եթէ ՚ի
 ձեռս իմ էր զերծանել ՚ի տանջա-
 նաց և ՚ի կապանաց , որով կատեն
 զես : Եւ արդ ես ոչ անյոյս լինիմ
 ՚ի վաստահացեալսն . քանզի զթի-
 կունս իմ ետու ՚ի հարուածս , և
 զճնօտս իմ յապրտակս , և զերեսս
 իմ ոչ դարձուցի յանօթոյ . և սեր
 իմ եղիցի իմ օգնական , և ես ոչ
 երկեայ . զի՛նչ արասցէ ինձ մարդ :
 Այսպէս փոխեցայ հանդերձ ըզ-
 դուշութեամբ և կասարեալ կրօ-
 նիւք և կարգօք , որչափ է շունչ ՚ի

մարմնի խնամ . զի թերեւս հաղորդեցայց սրբոցն դասուցն : Եւ յոյժ սերախ եղեալ ընդ սուրբ փկնոջն համբերութիւնն , դառնայր քահանայն 'ի վանս իւր , և արբանեկէր կասպանացն 'ի ծածուկ օր ըստ օրէ :

Եւ բզեաշին հեռանայր 'ի կողմանս Ճորայ , և եղբայր բզեշխին ոչ էր 'ի սահմանն՝ յորժամ երկրորդ շարձարանքն և կասպանքն դժեգակք հասանէր սրբոյն . և լուեալ յոյժ տրտմէր , և երթեալ աղաչէր լուծանել զկասպանան . և բազում աւուրք անցանէին , և հազիւ ամէր 'ի հաւան՝ միայն զչղթայսն լուծանել 'ի պարանոցէն . այլ վասն ոտիցն երգումն արարեալ ոչ լուծանել մինչեւ ցօր մահուան իւրոյ : Եւ այնպէս նովին կասպանօք և տառապանօք , սովով և ծարաւով և նեղութեամբ զվեց ամս բանգին կատարէր . և զվեց ամն ոչ դադարէր 'ի տնդութենէ կրօնիցն , յորս հանգիստանայր և ճգնէր պահօք և աղութիւք , աքնութեամբ և արտասուօք , անգագար սաղմոսերգութեամբ ըզ

չայդ և զցերեկ : Հարուածեալ ան
ձամբ և դառն կասկածոք : գարի հա-
ցիւ և ջրով շատացեալ : և զպահ
որոյ զասկին զլարածան ոչ ինչ
ճաշակեալ : բայց 'ի շարածու և 'ի
կիւրակէի ճաշակէր 'ի մարմնոյ և
յարենէ կենարարին : և սակաւ ինչ
բանջար ճաշակէր :

Եւ 'ի համբաւ առարինութեան
նորա գային տեսնել բազումք արք
և կանայք և սխառտորք աշխարհա-
կանք : լսէին 'ի նմանէ զլարս սար-
կեշտութեան և արդարութեան :
Եւ յորդորէր զբազումս թողուլ
աշխարհս և որ ինչ յաշխարհի : և
երթալ զհետ անանց կենացն : Եւ
բազում ասրակուսելոյ 'ի ձեռն ա-
զժից նորա առնէր այցելութիւն
Աստուած : անորգեաց' որդիս , զի-
ւահարաց բժշկութիւն , աստաժե-
տաց առողջութիւն , և ամենայն
վշտացելոյ մխիթարութիւն : և իւ-
րաբանջիւր ըստ անձին իւրով
Աստուծոյ ինամոցն պարգեւս
բարեաց շնորհէր սուրբ ազժիւքն
իւրովք : Եւ ամենայն որ որ գայր

առ նա , լիութեամբ գառնայր
 և ուրախութեամբ : և փառաւոր
 լինէր նովաւ անուն տեառն , ուր և
 ըսելի լինէր համբաւ սրբոյն : Ասան
 որոյ և կին մի պարսիկ 'ի մագապն
 անուանի , բորոտ էր , և ոչ ինչ
 գտեալ էր բժշկութիւն 'ի բժշկաց ,
 և 'ի համբաւ սրբոյն գայր և առաջի
 անկանէր սուրբ արկնոջն և հաչցէր
 զբժշկութիւն , և երանելին ասէր :
 Ալմէ հաւատաս Ղաառւած Ճշեա-
 ըիտ և Թողուս զօրէնս պարսկաց ,
 ինզրեմ ազօթիւք 'ի տեառնէ և
 ապէս զբժշկութիւն , և ծանօցես
 զմեծ զօրութիւն Ասաւծոյ իսոյ :
 Ասէ կինն պարսիկ , Հաւատամ
 Ղաառւած քրիստոսիւնէից , և հրա-
 մայեաց մկրտել զնա , և առժա-
 մայն սրբեցաւ բորոտութիւնն , և
 սայր փառս Ասաւծոյ և օրհներ
 զԱսառւած , և խոստովանէր զամե-
 նասուրք զԱրրորդութիւնն , և 'ի
 բաց կայր 'ի Պարսից օրինացն , և ըն-
 գելանայր Ասաւծոյ , որով բժշ-
 կութիւն եգիտ . զոր և ինքն իսկ
 պատմէր մագապ և մագապեաց :

Եւ լուեալ զայս ամենայն բը-
 դեաշին զարմանայր : Եւ յեա չո-
 բից ամաց գառնայր 'ի հեռաւոր
 ճանապարհէն , և գայր ուր փկիկնն
 էր . և վաղվաղակի մեծամեծ հա-
 բուածովք և տանջանօք նեղէր ըզ-
 սուրբն . բարկանայր և սոհապա-
 նացն , ասէր . Ոչ պատուիրեցի ձեզ
 զգոյշ լինել մի զոք [Թողուլ առ նա .
 մատուցանէր և նոցա գան մահու .
 և զերանելին առաւել եւս , հրա-
 մայէր նեղել 'ի կապանս բանգին :
 Եւ յեա այսր ամենայնի ոչ կարաց
 կամաց իւրոց հասանել ամպարիչան
 զոր կարծէր . 'ի հնարս մասնէր ,
 գտանէր կին մի կախարդ , և նովա-
 ջանայր լուծանել 'ի գեղեցիկ կրօ-
 նիցն : Եւ կինն յանձն առնայր . և
 տարի մի մարտեաւ ընդ նմա այն-
 պիտի գիււական ցնորիւք բդեաշին ,
 և ոչ ինչ կարաց առնել . այլ առա-
 ւել տեսանէր 'ի հանգէս Աստուծոյ
 կամացն : Եւ յայնմ եւս յանօթ
 լեալ և ոչ գառնայր 'ի նանիր խոր-
 հրրգոյն . [Թէպէտ և որպէս մենքե-
 նայ յամուր պարսպէ՝ 'ի բաց գառ-

նայր յառաքինւոյն : Նա և զորդիան
 ուրացուցանէր և շնորհուկս առնէր
 թագաւորին Պարսից , զի առաւել
 պատիւ ընկալցի յարքայէն : Մա-
 նուցանէր և զտիկնոջն եթէ գու-
 արր Վարդանայ է , որ ընդդիմա-
 ցաւ արքային Պարսից , և վասն այսր
 օրինաց կտտեմ և տանջեմ զնա մին-
 չեւ ցմահ . զի ոչ հաւանեցաւ պաշ-
 տել զաստուածս արքայի , որպէս
 զհայր իւր աշխարհաւեր :

Բայց զինչ եւս պարտ է ասել
 զնորայն զարարարոյութիւնն , որ
 յամենայնի կատարեաց զմեզս . զի
 զվեց ամն թէպէտ և բազում ջա-
 նաց , ոչ ինչ կարաց յաղթել վասն
 յուսոյն Քրիստոսի : Եւ էր հան-
 դերձ նորա ՚ի մերկուց քուրձ . և ՚ի
 վերոյ պարեգօտք անախբացի Թ , և
 բարձիկ փոքրիկ մաշկէ ՚ի սնարս , և
 աղօթանոց փոքրիկ , և բոկոսն եւս .
 և կերակուր գարի հաց , և ըմպելի
 ջուր : Եւ յամենայն բարի կարգս
 յառաջադէմ :

Եւ ՚ի մտանել եւթներորդ ամին
 հարուածոցն և կապանացն և բան-

դին . հիւանդանայր երանելին յան-
հրեարին տանջանան վասն սաստիկ
ճգնութեանն զոր կրեաց յանօրի-
նէն : Եւ դայր եղբայր բղէշին
Զօջինն և երկրպագէր սուրբ նշա-
նին որ առաջի տիկնոջն 10 . և ա-
ռաջի անկանէր սուրբ աղափնոյն
Քրիստոսի հանգերձ կնաւ իւրով
զի օրհնեացին 'ի նմանէն . խոստ-
վանէր և զմեզս իւր բազում ող-
բովք և արտասուօք . և ընդունէր
'ի նմանէ խրատ բազում յորդորա-
կան բանիւք հեռանալ յառաջին
շարեացն և ատել զչար , և սիրել
զբարի և զարդարութիւն : Եւ յու-
ղարկեաց զնա 'ի տեղի իւր :

Գայր և գլուխ եպիսկոպոսացն
Սամուէլ , և Զովհանն եպիսկոպոս
հանգերձ քահանայիւք և սարկա-
ւազօք , որ էին քաջալերիչք և
կցորդք նեղութեան երանելոյն ,
զի յղարկեացնն զնա 'ի մեծ աշխա-
տութենէն 'ի նաւահանդիսան
Քրիստոս . նոյնպէս և նախարարք
և աղաօք և տիկնայք , և այլ սե-
պուհք աշխարհին Ա յաց , զի հա-

զորդեացին յղարկման օրհնութեան
 երանելոյն : Եւ խնդրէին ամենե-
 քեան զերկաթի կասպանան՝ նշխարս,
 ՚ի յիշատակ սրբոյն : Իսկ նա սսէ .
 Ես ոչ եմ այդմ արժանի . բայց
 կամք Աստուծոյ եղեցին , արարեք
 որպէս և կամիք : Եւ օրհնեաց զա-
 մենեւեան և սսէր . Ամենալին
 Քրիստոս լի արասցէ զձեզ հոգե-
 ւոր օրհնութեամբ : Եւ գոհանայր
 զամենէ եպիսկոպոսին որպէս զգայ-
 եկէ կամ զհօրէ : Եւ այսպէս հրա-
 ժարեալ յամենեցունց և օրհնեալ
 զամենեւեան ՚ի Քրիստոս , աղաչէր
 գնալ յայնմ տեղւոջ , ուստի զա-
 ռաջինն քարչեցին , եթէ արժա-
 նի և զայն առնել :

Եւ այսպէս հրաժարեալ յամե-
 նեցունց և օրհնեալ զամենեւեան ՚ի
 Քրիստոս , գոհութիւն յաղթու-
 թեան ամենասուրբ Երրորդու-
 թեանն ՚ի բարձունս վերառաքելր
 հանդերձ ամենայն ժողովրդօքն , և
 աղօթէր գոհանալով այսպէս . Գո-
 հանամ զքէն Քրիստոս , որ արժա-
 նի արարեր զիմ անարժանութիւնս

կատարել 'ի հաճոյս քոյոյ տէրու
 Թեանդ . և այժմ պահեա զհաւա
 տացեալս ընդ ամենազօր աջովդ
 քո . և զիմ զչարչարանս՝ ընկալ 'ի
 հաճոյս քեզ , բարեխօսու թեամբ
 հարցն իմոց սիրողաց անուան քո ,
 զի յամենայնի փառաւորեացի ա
 նուն քո սուրբ , և ես 'ի շնորհս քո
 աւանդեմ զհօգի իմ : Եւ զայս ա
 սացեալ սրբոյն աւանդեաց զհօգին
 'ի փառս Աստուծոյ : Եւ ամենե
 ցուն յարասուես եղեալ լայնի մե
 ծաւ երկիւղիւ , և տային օրհնու
 թիւն Աստուծոյ :

Եւ եպիսկոպոսն և ամենայն Ժո
 զովուրդքն ամփոփեալ զմարմինն և
 լուացեալ 'ի ձեռն պարկեշտ կա
 նանց , և իւզովք անուշիւք և խըն
 կովք զպէտան բերեալ , և պատեալ
 սուրբ կառօք՝ եզին 'ի տեղւոջն
 յորում պատուիրեաց : Եւ զգի
 շերն ամենայն օրհնութիւն Աստու
 ծոյ մատուցին մինչեւ 'ի Ժամ ճա
 ղոյն . և սուր պատարագ մատու
 ցանէին և աօն մեծ կատարէին զօր
 հանգ ստեան սրբոյն 'ի տանն և եւթն

քաղոց ամսոյ , ամ յամէ կատարե-
լով 'ի փառս Աստուծոյ : Եւ ոչ
սակաւ բժշկութիւն անէր Աս-
տուած բարեխօսութեամբ սուրբ
տիկնոջն :

Այս է հանգէս նահատակու-
թեան սրբոյն Հուշանկանն : Այս-
պէս Աստուծոյ ընծայեցաւ , և այս-
պէս Քրիստոսի մերձաւոր լինի և
հոգւոյն սրբոյ ընդել և ընտանի . 'ի
փառս ամենասուրբ Երրորդու-
թեանն , յախտանս յախտենից .
ամէն :



ՎԿԱՅՈՒԹԻՒՆ

ՍՐԲՈՅՆ ՇՈՒՇՍՆԿԱՅ

ՈՐ Ի ՎԵՐՍ ԿԱՏԱՐԵՑԱԻ

ՅԱՌՆԷ ԻԻՐՄԷ

ՅԱՆԹԻՊԱՏՐԵԱՅ

ՎՐԱՅ ԱՌԱՋՆՈՐԳԷ



ՍՈՒՐԲՈՅՆ ոմանք երեւելիք՝ առաջինք ՚ի նախարարացն վերագիտողք աշխարհիս Հայոց , լուսաւորութեան պատճառք , որդեծնութեամբ իջեալ ցմեծն սուրբն Մահակ , որդի մեծին Ներսէսի , որդւոյ Աթանաղոսի , որդւոյ Յուսկանն , որդւոյ Աթանայ , որդւոյն սրբոյն Նրիգորի : Մա առաջինութեամբ առնեալն Հարցն նմանեալ և

աղօթից մասամբ առաւելեաց
 Վանդի ստացաւ աշակերտս վաթ-
 սուն արս կրօնաւորս բոկագնացս
 խարաղնազգեացս , որք յար ընդ
 նմա շրջէին . որովք զմշտնջենաւոր
 պաշտօնն և զկանոնն հանապաղ կա-
 տարէր , որպէս զայն որ յանա-
 պասան՝ երանելին սուրբն Սահակ,
 ևս առաւելոյր : Եւ ՚ի սա հասեալ
 գաղտնուին եղև ուստերաց նորա-
 բայց ունէր գուտար մի Սահակ
 նոյշ կոչեցեալ , որ առաւ յամուս
 նութիւն համազասպայ Մամիկո
 նէից 12 . և ՚ի նմանէ սուրբն Վար-
 դան , և ՚ի Վարդանայ՝ սուրբն Հու-
 շանիկ , որ առաւ կին Ենթիպա-
 արեայ Վրաց առաջնորդի : Ար յա-
 զագս մարդկան երկեւզի , մանա-
 լանդ թէ ՚ի կամաց , վասն գտներն
 իւրոյ եմուս ընդ զբազաշտական
 օրինօք մտգութեան : Արում ոչ
 հաւանեալ երանելոյն Հուշան-
 կանն յանդիմանէր զնա և առաջի-
 արկանէր զԱստուծոյ արդար գա-
 տասաննն որ ՚ի վերայ այնոցիկ՝ որ
 զայնպիսիան գործեն : Արում ոչ հա-

ւանեալ, այլ առաւել բորբոքէր 'ի
 բարկութիւն յաղաղս յանդիմանու-
 թեանն և անհաւանութեան ան-
 կողնոյն : Եւ բազում շարչարանօք
 նեղէր զերանելին Հուշանիկ բա-
 նիւք և հարուածովք, սովով և ծա-
 բաւով և ազգի ազգի տանջանօք և
 կտտանօք ամս վեց նեղէր զնա, ո-
 բով կտտեաց զերանելին ամբա-
 րիշան և օտարացեալն յԱստուծոյ
 և յամենայն ակնկալութենէ յու-
 սոյն կենաց որ պահի յուսացելոցս
 'ի Քրիստոս : Եւ նա բազում համ-
 բերութեամբ ընդունէր 'ի փառս
 Աստուծոյ, զոր ոչ է կարող բերան
 պատմել զերանելոյն Հուշանկանն՝
 զտարեաց կամ զամսոց կամ զշա-
 բաթուց կամ զաւուրց կամ զժա-
 մուց շարչարանս, զոր կրեաց յառ-
 նէն իւրմէ վասն անուանն տեառն :
 Իսկ իբրեւ եհաս ժամ կտտարման
 և հանգստեան և փոխմանն 'ի
 Քրիստոս առ որ անձկացեալն էր,
 առաքէր և կոչէր զգլխաւոր եպիս-
 կոսոսացն զՄամուէլ և զՅոհանն
 նորին ընկերն՝ որ քաջալերիչն և

մեծազատակիք հանդերձ ընտա-
 նեօքն՝ լեալ էին . որք եկեալք և
 մասնաւորեալ օրհնութեամբ յու-
 զարկէին առ նաւահանգիստն Քրիս-
 տոս որ հանգուցանէ զաշխատեալն :
 Ըստ նմին օրինակի նախարարք և
 սեպուհք , արկնայք , ազատք և ա-
 նազատք աշխարհին Ա յայ նոյնպէս
 մասնաւորեալք երանութեամբք որ-
 պէս զքաջ նահատակ և խոստովա-
 նող Քրիստոսի աւանդէին և փա-
 ռաւորէին զԱստուած : Եւ խնդիր
 ՚ի մէջ առեալ ամենեցունց եպիսկո-
 պոսացն և զօրավարացն զի զկապանս
 սօխցն յօրհնութիւն ապցեն . զոր
 արկնոջն ծանուցեալ պատասխանի
 առնէ , թէ Ես անարժան եմ այդմ
 ամենայնի , բայց ըստ աստուածսի-
 յութեան ձեր եղիցի որպէս և կա-
 միք , և ես զինչ բերեմ ՚ի համար
 զիմ նեղութիւնս զոր կրեցի . այլ
 որ տէրն է և յոյն իմ Քրիստոս
 Աստուած ընկալցի զիս , և զձեզ զա-
 մենեսեան օրհնեացէ և հատուցէ
 պարգեւս բարեաց ըստ իւրաքան-
 չիւր վաստակոց : Եւ հրամայէր

զնշխարս ոսկերացն գնել 'ի տեղ-
 ւոջն՝ ուստի զառաջինն քարչեցին՝
 եթէ իցեմ արժանի, ասէ, այդմ ա-
 մենայնի: Եւ հրաժարեալ յամե-
 նեցունց արտասուօք փառաբանու-
 թիւն յաղթութեան Աստուծոյ մա-
 տուցանէր. Փառք քեզ Աստուած,
 փառք քեզ ամենասուրբ Երրորդու-
 թիւն, որ օրհնեալ ես յամենայն
 արարածոց յերեւելեաց և յանե-
 րեւութից. ընկալ զիս բարեբարու-
 թեամբ քո ընդ փառաբանիչս ա-
 նուան քո սրբոյ 'ի կեանսդ յաւի-
 տենից, զի հաւասարեցից և ես
 հարցն իմոց սրբոց որք սիրեցին ըզ-
 քեզ և հաճոյ եղեն տէրութեան
 քում, որոց փառաւորեալ են մահք
 իւրեանց առաջի աստուածութեան
 քում: Քրիստոս յոյս և ապաւէն,
 որ զօրացուցեր զիս յամենայն նե-
 ղութիւնս և 'ի չարչարանս համբե-
 րել վասն անուանդ քո և հաստա-
 տուն սպահեցեր զյոյսն որ 'ի քեզ,
 սուր ինձ մասն և բաժին ընդ սիրե-
 լիս քո յանանց և յանվախճան
 կեանսդ, զի քո է տէրութիւն և

իշխանութիւն և փառք յաւիտեանս
 յաւիտենից : Եւ ասացեալ ամենե-
 ցուն զամենն , աւանդեաց զհոգին
 երանելին սուրբն Հուշանիկ բարի
 խոստովանութեամբ 'ի Քրիստոս , և
 ամենեքեան փառս ճատուցանէին
 Աստուծոյ , որ ետ զայնպիսի համ-
 բերութիւն երանելոյն :

Եւ անդէն վաղվաղակի բերին
 կտաւս բարակս և լուացեալ զմար-
 մին սրբոյն յորդանցն և 'ի թարա-
 խոյն զոր ունէր 'ի բանաէն և 'ի
 չարչարանացն : Եւ եպիսկոպոսացն
 երկոցունց առեալ զմարմին սրբոյն
 պատեալ և ինկեալ բերին 'ի սուրբ
 եկեղեցին հանգերձ սուրբ քահա-
 նայիւք և սարկաւսոգօք և ժողովովք ,
 սաղմոսիւք և երգօք հոգեւորօք ,
 ճամեղինօք լուցելովք և անուշահոտ
 ինկօք , և ամփոփէին 'ի պատրաս-
 տեալ հանգիստ փառաւորապէս :
 Եւ երանելի եպիսկոպոսունքն Սա-
 մուէլ և Յոհան ամենայն ժողովըր-
 դովքն զցիշերն ամենայն հանգերձ
 բաղմութիւն օրհնէին զԱստուած ,
 հրեշտակական օրհնութեամբ և

դաւթեան սաղմոսերգութեամբ, և այսպէս գոհութեամբ փառաւորէին զամենայնազթն Աստուած, որ տայ յազթութիւն սիրողաց իւրոց և ամօթալից արարեալ զատասպարտէ զընդդիմագարձս և զամսպարշտեալս :

Եւ կատարեցաւ երանելին սուրբըն Շուշանիկ որ օր տասն և եւթն էր քաղոց ամսոյ գովութեամբ 'ի գովութիւն յուղարկեալ 'ի Քրիստոս Յիսուս աէր մեր : Եւ օրինագրեցին զօր յիշատակի նորա տօնախմբելով բազմամբօխ ժողովրդովք ամ յամէ, փառաւորելով զամենասուրբ զԵրրորդութիւնն :

Է և այլ պատմութիւն 13 սրբոյն Շուշանկանն, որ Աարգանի անուանեալ 'ի հօրէն իւրմէ սրբոյն Աարգանայ, որ զկարգ բանիցն մանրամասնաբար ցուցանէ զվեց ամացն չարչարանաց և զմառախղաւ ծածկիլն ուրացելոյն Աազգենայ, և ըզքսան և չորս ժամու զազօթան անխափան և զբազում զազգի ազգի նեղութիւնան որ կրեաց, զոր թէ խնդրես 'ի մարտիրոզոքն 14, գտանես և առնուս զխնդրելին :

ԾԱՆՅՈՒԹՈՒԹԻՒՆՔ

1. Պարտ է ընթեռնուել Անթիպատու կամ Անթիհիւպատու, որ է Փոսանակ հիւպատի ըստ յունիսն, զոր ստորեւ Բգեաշիս Թարքմանէ ըստ հայուսն :
2. Այսինքն է Արակի, զի ստորուշանն՝ կրակարանն է հրոյն պաշտեցելոյ :
3. Յօր. Է-Վէ :
4. Յօր. Ե-Վէ :
5. Տուցանէ պատմութիւնս, թէ յահէ ասպատակի թշնամեաց՝ Վազգէն տայր տանել զորդիս իւր յամուրս վայրաց, յայնկոյս Աուր դետոյ, և յանցանեւն ընդայն՝ մի ՚ի նոցանէ գետավէժ կորնչի :
6. Այսպէս յօր. բայց պահանջի այլ բայ :

- 7 - Պակասեն բառք ինչ, զոր ոչ
իշխեցաք մեզէն ընուլ :
- 8 - Ի լուսանցան գրի՝ Վեկտ :
- 9 - Պարեգօան անախոքացի ոչ գի-
տեամ որպիսի ինչ նիւթ էր, կամ
զի՞նչ ձեւ :
- 10 - Նշանս այս այլ նշան է և
ոչ խաչն հրաշագործ Նունեայ
Վրաց առաքելուհոյ, զոր կան-
գնեացն 'ի Մծխիթայ, և ուխտա-
անդի մեծ եղեւ Վրաց և Հայոց .
իսկ փիկեօջս Վրաց հոգացեալ
զերծուցանել զխաչն 'ի նախա-
տանայ անն ուրացելոյ և ճար-
տարութեամբ 'ի ձեռն ամեալ
և առաքեալ էր 'ի Հայս, որպէս
պատմի 'ի Յայամաւուրս, յ'արե-
զի ամսոյ ԻԲ . այսպէս ունեւոր
բանին . . . « Եւ նա ինքն սուրբն
» Հուշան՝ յուրացութեան ան
» իւրոյ ջանայ զսուրբ խաչն Նու-
» նեայ Վրաց առաջնորդի՝ յղել
» 'ի բուն գաւառն իւր 'ի Տա-
» բուն : Եւ եկեալ առ նա արե-
» զայ մի Անգրէաս անուն 'ի Ղա-
» զարու վանացն՝ որ է Ս . Առա-

77 քեալքն Մշոյ, և սուրբն Հու-
 77 շան օգնականութեամբ տայ-
 77 գերն իւրոյ Զոյկայ, ևա ըզ-
 77 սուրբ խաչն յԱնդրեաս արե-
 77 զայն, տանել 'ի սուրբ Առա-
 77 քեալքն 'ի Ղազարու վանան :
 77 Եւ եր Անդրեասն այն յաշա-
 77 կերտաց սրբոյն Սահակայ պա-
 77 պուն Հուշանայ : Եւ նա ա-
 77 ռեալ զսուրբ խաչն և այլ բա-
 77 զուժ սուրբ նշանս խաչերոյ
 77 և զսպառք սուրբ եկեղեցեացն
 77 Մծխիթայ, և յուղի անկեալ
 77 եկն եհաս 'ի Սպեր գաւառ, և
 77 այլ ոչ կարաց գնալ 'ի շփոթ-
 77 մանէ, և 'ի վրդովմանց ճանա-
 77 պարհին, այլ անդ եկաց գա-
 77 դարեաց ամս եւթն 'ի խորշ
 77 մի լերինն Սպերոյ, մինչեւ
 77 լուաւ զբարի կատարումն Հու-
 77 շանայ : Ապա ազգ արարեալ
 77 Գրիգորոյ Մամիկոնոյ եղբորոր-
 77 դւոյ Ս. Արդանայ, առնու թա-
 77 փէ սա զխաչն և հանգուցանէ 'ի
 77 բերդն Ասպուտայ յԵրասխաձոր,
 77 յորմէ փոխի 'ի Աւանանդ 'ի Խաչի

վանա, և յետ 459 ամաց 'ի Վարս
քաղաք, և անտի յետ 164 ամաց
յԱնի, ուր կայ 142 ամ մինչեւ
ցառուին քաղաքին 'ի Թաթարաց
յամի տեառն 1239, և յետ այ-
նորիկ անյայտ լինի: Ըստ այսմ
հաշուի՝ նահատակութիւն Շու-
շանկան երեւի հանգիստեալ յա-
մի տեառն 474 կամ 476:

11. Պակասի բայն համարին:

12. Յայս վայր առեալ է 'ի բա-
նից խորունկցւոյն 'ի ՄԱ և 'ի ՆԹ
գլխոց Գ գրոց պատմութեանն
հայոց. իսկ զոր յետ այսր՝ 'ի
նախահարգեալ պատմութենէ
սրբոյն համառօտեալ. բայց զի
զկնի ասէ թէ իցէ և այլ պատմու-
թիւն վարուց սրբոյն՝ թուի որիչ
յայտմանէ. քանզի ոչ յիշին 'ի
ամա գէպք մառախլապաան լինե-
լոյ Վազգէնի, և ոչ երկարաձիգ
աղօթքն 24 ժամուց. նա և ոչ
իսկ հակիրճքն՝ որ աստ գտանին
ասացեալ մերձ յաւանդման հո-
գւոյ երանելւոյն: Իսկ Մարտի-
րոզոքն յորում գտանէին վարքն

այն՝ վկայարանու թեանց գիրքն
 էր՝ ՚ի յոյն անուանէն Տարտիւ-
 շիւն : Իսկ ՚ի Յայտաւուրս ՚ի
 հակիրճ յիշատակի անդ վարուց
 սուրբ տիկնոջս, ասի և այս .
 « Յաւուր միում լախտով հար-
 ր զանէր Ազգէն զսուրբն Շու-
 շան, և կամէր սպանանել զնա .
 րսկ Զօջիկ տայգրն Շուշանայ
 եղբայրն Ազգէնայ անիծե-
 լոյ, թափեաց զնա յեղբօրէն
 իւրմէ և տարեալ ընկէց կիսա-
 մահ » :

13 . 14 . տես ՚ի վեր, 12 :



